

Parada di mucha na playa no ta pasa den Adrian Lacle Blvd

Parada Grandi di playa ta bay te rotonde di Wendy's



ORANJESTAD (AAN): Pa loke ta parada di Carnaval di mucha na playa, hefe di seccion di trafico di Cuerpo Policial Ricardo Muller a trece dilanti cu e cambio di ruta unda cu e parada lo a bay pasa door di e Adrian Lacle Boulevard despues cu el a pasa Talk of the Town bin abao, no ta bay wordo hasi mas.

Hunto cu SAC y e otro stakeholders, Cuerpo Policial a dicidi cu ta mihor pa e bay straight te cu DOW manera *semper*.

“Algun aña pasa nos a cambia e ruta ey pa e parada pasa door di Adrian Lacle Boulevard, pero asina

practicamente bo ta cera centro di Oranjestad”.

“Esaki ta nifica cu si tin un candela, full playa lo por kima”.

Esaki segun Muller, kende a sigui bisa cu otro motibo dicon no a cambia e ruta pa pone pasa door di Adrian Lacle Boulevard ta cu door cu e aña aki ta un lustro, bo ta bay tin hopi mas hende cu ta bin wak e parada y un ruta pasando door di Adrian Lacle Boulevard ta bira mucho chikito.

Muller a sigui bisa cu KPA ta verwacht un gran cantidad di hende cu ta bay para na banda pa wak Carnaval.

Un otro motibo pa no cambia

e ruta ta e trailernan grandi, halto y largo cu tin.

Si lo a cambia e ruta, banda di Elmar na playa lo tabata dificil pa lora cu cierto trailer.

Pa loke ta e parada grandi di Playa, e cambio mas

importante cu tin ta cu e no ta caba na DOW, sino mas pabao na rotonde di Wendy's.

Asina e gruponan tin un tiki mas pa nan jump y lo tin mas espacio pa hende para wak.

E parada lo Sali dilanti di

Flora Market y gruponan ta stel op for di Flora Market bay atras pa Price Smart.

Pues ora e parada Sali na Flora Market, practicamente bo por cuminsa wak parada di Carnaval for di dilanti di Manchito's bay Noord.